

arnak kommunalpolitíkilo

agdlagtok: Helga Egede

sujugdlermik tidsskriftimut agdlarkuvdlunga kínuviginekarnera kujássutigâra, naugdlo pigínauniligssungíkaluadlunga agdlautigísavara 1971-mít 1975-mut Narssame kommunalbestyrelsimut ilaussortausimanera ámaló ukiune táukunane sulisimanivne misigissarsimassáka navsuautekarfigitsiardlugit.

arnauvdlune kommunalbestyrelsimut ilaussortaunek sokutiginartúvok ámaló ilaussortakatinit nalgissatut issiginekar dlune sulekatausínaunermik misigisimane nuánersúvdlune. tamáname pingârdluínartúvok suliagssane pingâroutekartune aulajangíniarnerne námagsiniagakartitdlune.

kommunalbestyrelsimu ukiut sisamat ingerdlanerine suliariniarsimassat kommunime najugalingnut pingâroutekartut taissagssat ardlakakaut. sôrdlo kommunekarfiup iluane suliagssakartitsiniarnekilungersútdlugo sulíssutiginiarnekarshivok. taimatut áma ínúsugtut atuarnemingnik nunakarfigmingnínárdlutik ingerdlatinigssait tamaviârdúnekarshivssut pekatauvfiginiarsimaváka. tamákua saniatigut kommunime udvalgine ardlakartune sulekatausimavunga.

pingârtitdlugo taerusugpara Kalâtdlitnunavtíne arnat amerdlanerussut nálagkersuinerme pekataunerujartornigssât píssariakartútíkavko. uvdunime mákunane arnat nálagkersuinerme sulekataussut ikigpatdlârnerat okatdlisaokaok. kularíngilaralo arnat ardlakartut suliagssamut sokutigingnigkaluadlutik sule kissigtartut amerdlavatdlârtut; áname arnap angerdlarsimavfingme píngitsôrnekar sínáungínera, pingârtumik mêrakarsimagune, perkutaussartut ilagigât kulárnángilak.

kommunalbestyrelsimu sulekataorêsimavdlunga pâsisorâra sulekatauniaráine suliagssat sapíngisamik pivfigssakarfigivdluarniarnigssât pingârtússok. tássame uvdluvtíne kommunit nangminêneruleriartornigssamingne suliariniagagssait akissugssauvfingmik pivfigssamigdlo angisûmik píumassakarput. taimatutdle okarnera arnanut pekataorusugtunut nangârsârutitut pâsinekásángilak. okar sínauvungame arnat kommunalbestyrelsimu ínugtaokatigíngnilo sulekataúsavdlutik sapíngitsut.